





**I**

Na osnovu člana 10. Poslovnika o radu Doma naroda Parlamenta Federacije Bosne i Hercegovine, Azhar Sejarić i Silva Banović, delegati u Domu naroda Parlamenta Federacije Bosne i Hercegovine, Zavodu zdravstvenog osiguranja i reosiguranja Federacije BiH upućuju sljedeća pitanja:

„U vezi lijeka nilotinib 150mg, s obzirom na ozbiljnost situacije, molimo da hitno:

- Potvrdite status lijeka na tržištu Bosne i Hercegovine, uključujući informaciju o eventualnoj nestašici;
- Dostavite podatke o mogućem datumu ponovne dostupnosti lijeka ili kontakt ovlaštenog distributera;
- Pokrenete proceduru hitne nabavke, odnosno interventnog uvoza;
- Omogućite pacijenticama kupovinu lijeka privatnim putem uz prioritarnu i ubrzanu refundaciju sredstava putem Fonda solidarnosti.“

**II**

Na dostavljena pitanja koja su postavili Azhar Sejarić i Silva Banović, delegati u Domu naroda Parlamenta Federacije Bosne i Hercegovine, Zavod zdravstvenog osiguranja i reosiguranja Federacije Bosne i Hercegovine u okviru svojih nadležnosti daje sljedeći:

**ODGOVOR**

Zavod zdravstvenog osiguranja i reosiguranja Federacije BiH vrši nabavku lijekova, za potrebe zdravstvenih ustanova, u skladu sa važećim propisima o javnim nabavkama, putem postupka javnog tendera.

Postupak započinje planiranjem potrebnih količina lijekova za određeni vremenski period, nakon čega se raspisuje javni poziv u kojem su jasno definirani uslovi, tehničke specifikacije, količine, rokovi isporuke, te kriteriji za izbor najpovoljnije ponude. Svi zainteresovani dobavljači imaju pravo da dostave svoje ponude u propisanom roku. Po isteku roka za dostavljanje ponuda, nadležna komisija vrši pregled i ocjenu pristiglih ponuda u skladu sa unaprijed utvrđenim kriterijima.

U postupku javne nabavke bira se jedan dobavljač koji ispunjava sve tražene uslove i koji je, prema kriterijima tendera, dostavio najpovoljniju ponudu. Sa izabranim dobavljačem zaključuje se ugovor na određeni vremenski period, tokom kojeg je isti odgovoran za isporuku ugovorenih lijekova.

Za vrijeme trajanja Ugovora, naručivanje predmetnih lijekova vrši se isključivo od izabranog dobavljača, sve do isteka ugovornog perioda ili okončanja postupka novog tendera.

Ovakav način nabavke osigurava transparentnost, zakonitost postupka, ravnopravnu konkurenciju među ponuđačima, te racionalno i odgovorno trošenje javnih sredstava.

Trenutno je došlo do privremene nedostupnosti lijeka INN nilotinib tbl. 150mg, koji se nabavlja putem važećeg Ugovora o javnoj nabavci.

Izabrani dobavljač nas je informirao da trenutno nije u mogućnosti izvršiti isporuku navedenog lijeka zbog nedostatka potrebne aktivne supstance za njegovu proizvodnju, što predstavlja okolnost na koju dobavljač nije mogao utjecati.

S obzirom da se nabavka predmetnog lijeka vrši putem postupka javne nabavke, te da je za isti zaključen Ugovor sa jednim dobavljačem, Zavod zdravstvenog osiguranja i reosiguranja Federacije BiH je u obavezi postupati u skladu sa važećim ugovornim i zakonskim odredbama.

Lijek INN nilotinib tbl. 150mg se odobrava putem nadležne Komisije za uvođenje osiguranika u pravo korištenja lijekova sa Liste lijekova Fonda solidarnosti. Zavod omogućava pacijentima, koji imaju odobrenu terapiju putem suglasnosti, u relativno kratkom vremenu refundaciju za kupljeni lijek, uz priloženu medicinsku dokumentaciju i potvrdu kliničkih apoteka da zdravstvena ustanova u tom trenutku nije imala lijek koji se nalazi u Odluci o Listi lijekova Fonda solidarnosti Federacije BiH, a koja se financira sredstvima Fonda solidarnosti Federacije BiH.

Zavod poduzima sve raspoložive mjere u cilju prevazilaženja nastale situacije.

S poštovanjem,



DIREKTORICA:

zv.prof.dr.sc. Vlasta Martinović, dr.med.

Dostaviti:

- naslovu
- a/a